

Ferrol garda nas súas rúas, prazas e edificios un legado histórico e artístico como poucas cidades no mundo poden presumir. Porén, non toda esta herdanza monumental de séculos pode ser visitada durante o ano.

**A Semana do Patrimonio Invisible é un ciclo programado pola Concellaría de Turismo, Patrimonio Histórico, Sanidade, Consumo, Benestar Animal e Mercados do Concello de Ferrol que abre as portas de tesouros, habitualmente fechados, e deseña unhas visitas guiadas de pequenos grupos para que os seus usuarios garden na memoria unha experiencia cultural única.**

**Reserva a túa praza!**



As visitas guiadas que realizamos na Semana do Patrimonio Invisible baséanse en dúas premisas: a calidade do discurso narrativo e a protección dos bens culturais que visitamos.

Por este motivo, as prazas para cada quenda de visitas son limitadas e o proceso de reserva precisa da confirmación mediante correo electrónico por parte da organización a cada visitante.

.....

Queremos garantir o acceso á actividade ao maior número de persoas, polo que cada solicitante poderá reservar un **máximo de 3 visitas para 2 persoas.**

Para facer as reservas é preciso entrar na páxina web oficial e **completar o formulario de reservas:**

[www.patrimonioinvisible.gal](http://www.patrimonioinvisible.gal)



Máis información:  
[reservas@patrimonioinvisible.gal](mailto:reservas@patrimonioinvisible.gal)



.....

# SEMANA DO PATRIMONIO INVISIBLE

Espazos agochados de Ferrol  
Do 23 ao 27 de outubro 2024





### Estación Naval da Graña

A través do túnel da Graña accederemos á Estación Naval, que se comezou a construír no século XVIII sendo o xerme do Arsenal Militar. A día de hoxe, no espazo ten a súa sede a ESENGRA (Escola de Especialidades da Estación Naval da Graña), un dos principais centros formativos da Armada.

### Casa Antón

Unha das obras referentes de Rofolfo Ucha na cidade e que combina elementos modernistas con outros propios do neoecléctico. Foi construída como vivenda unifamiliar para o que fora alcalde de Ferrol Emilio Antón Iboleón, e hoxe é parte do Colexio Jesús Maestro

### Cemiterio de Catabois

Faremos un percorrido polo pasado funerario da cidade, coñecendo os lugares de enterramento que existiron ao longo da historia de Ferrol e descubrindo as arquitecturas e persoas dos que permanece a súa memoria.

### Segredos do Arsenal

Os muros do Arsenal acollen no seu interior, espazos e lugares poucas veces visitables. Nesta visita teremos a oportunidade de traspasar a Porta do Parque e coñecer algúns deses lugares de acceso restrinxido, que completan a historia de Ferrol.

### Arquivo Intermedio Militar do Noroeste

O Baluarte do Infante foi un dos puntos defensivos da muralla da cidade de Ferrol, logo pasou a ser o cuartel de artillería e a día de hoxe acolle os fondos do Arquivo Intermedio Militar do Noroeste.

### Faro do Cabo Prior

O faro do cabo Prior leva en funcionamento dende o ano 1854. A súa luz guía dende aquela aos mariñeiros que navegan a costa ártabra, mais tamén conserva no seu interior historias e relatos de todos aqueles que viviron neste edificio situado nunha paisaxe imponente.

### Navantia

Con máis de 250 anos de actividade, desde os estaleiros de Esteiro e o Arsenal Militar ás actuais instalacións de Navantia, este complexo industrial é parte imprescindible da historia da cidade.

### Casa do Concello


A Casa do Concello abre as súas portas para permitírnos descubrir e coñecer o seu interior, os salóns nobres, a súa colección de arte e os espazos nos que se decide a vida política da cidade.

### Correos

Construído no ano 1935, este edificio de carácter ecléctico segue unha influencia estilística dos pazos montańeses. A maiores da súa importancia arquitectónica, coñeceremos a historia dos Correos e Telégrafos en Ferrol.


### Concatedral de San Xiao

O templo deseñado polos enxeñeiros Julián Sánchez Bort e Antonio Bada y Navajas, nace co proxecto urbanístico da Ilustración. Subiremos a unha das súas torres para entender a súa ligazón entre o barrio da Magdalena e o Arsenal.




## Mércores

- 11 h Arquivo Intermedio Militar do Noroeste
- 12 h Concatedral de San Xiao
- 13 h Edificio de Correos
- 17 h Navantia
- 18 h Edificio de Correos
- 19 h Casa do Concello



## Xoves

- 11 h Cemiterio de Catabois
- 12 h Arquivo Intermedio Militar do Noroeste
- 12.30 h Segredos do Arsenal
- 17 h Navantia
- 18 h Chalet Antón
- 19 h Casa do Concello




## Venres

- 11 h Edificio de Correos
- 12 h Arquivo Intermedio Militar do Noroeste
- 12.30 h Segredos do Arsenal
- 17 h Navantia
- 18 h Casa do Concello
- 19 h Casa Antón



## Sábado

- 11 h Esengra
- 12 h Casa Antón
- 13 h Esengra
- 17 h Esengra
- 18 h Faro do cabo Prior
- 19 h Casa do Concello



## Domingo

- 11 h Cemiterio de Catabois
- 12 h Faro do cabo Prior
- 13 h Cemiterio de Catabois
- 17 h Faro do cabo Prior
- 18 h Concatedral de San Xiao
- 19 h Faro do cabo Prior